

Na osnovu člana 7. i člana 32. stav (2) Zakona o novčanim podrškama u primarnoj poljoprivrednoj proizvodnji i prehrambeno prerađivačkoj proizvodnji („Službene novine HNK“, broj: 2/13) i Odluke o usvajanju Programa utroška novčanih sredstava za novčane podrške u primarnoj poljoprivrednoj proizvodnji i prehrambeno - prerađivačkoj proizvodnji s kriterijima raspodjele sredstava „Poticaj za poljoprivredu“ utvrđenih Budžetom HNK-Ž za 2017. godinu Ministarstvu poljoprivrede, šumarstva i vodoprivrede, br: 01-1-02-645/17 i br: 01-1-02-2039/17, koju je donijela Vlada HNK, ministar poljoprivrede, šumarstva i vodoprivrede donosi

UPUTSTVO

O IZMJENAMA I DOPUNAMA UPUTSTVA O NAČINU I USLOVIMA ZA OSTVARENJE PODRŠKI U PRIMARNOJ POLJOPRIVREDNOJ PROIZVODNJI I PREHRAMBENO – PRERAĐIVAČKOJ PROIZVODNJI

Član 1.

U Uputstvu o načinu i uslovima za ostvarenje podrški u primarnoj poljoprivrednoj proizvodnji i prehrambeno – prerađivačkoj proizvodnji („Službene novine HNK“, br. 4/17), „u članu 2. iza riječi „vinograda“ stavlja se zarez i dodaju se riječi: „proizvodnja grožđa, proizvodnja smilja, proizvodnja malina, proizvodnja povrća u plastenicima, proizvodnja presadnica povrća i ljekovitog bilja“, iza riječi: „oprašivači poljoprivrednih kultura“ stavlja se zarez i dodaju se riječi: „podrška hranidbe u ovčarstvu i kozarstvu“.

Član 2.

U Odjeljku A. BILJNA PROIZVODNJA (voćarstvo, maslinarstvo i vinogradarstvo), iza riječi „vinogradarstvo“ stavlja se zarez i dodaju se riječi: „povrtlarstvo i proizvodnja presadnica“. Iza člana 9. Podizanje novih nasada – vinograda, dodaju se novi članci: 9 a., 9 b., 9 c., 9 d. i 9 e. koji glase:

„9 a.

Proizvodnja grožđa

(1) Pravo na novčanu podršku za Proizvodnju grožđa ima klijent koji pored općih uslova propisanih članom 3. Uputstva ispunjava i slijedeće posebne uslove:

- a) proizvodi grožđe na minimalnoj površini od 0,2 ha. Podrška se može ostvariti za maksimalnu površinu 0,5 ha,
- b) podnese prijavu za izlazak na teren I, nadležnoj službi za poslove poljoprivrede iz člana 4. Uputstva, najkasnije do 30.10.2017. godine,
- c) upisan je u Registar poljoprivrednih gazdinstava (RPG) i Registar klijenata (RK) i parcela na kojoj se nalazi vinograd na popisu je parcela na kojima gazdinstvo ima prijavljene posjede u RPG-u.

(2) Nadležni službenici iz člana 4. Uputstva na osnovu podnesene prijave za izlazak na teren I, sačinjit će zapisnik o površini vinograda na kojoj klijent proizvodi grožđe najkasnije do 20.11.2017. godine.

(3) Za ostvarenje prava na novčanu podršku klijent najkasnije do 24.11.2017. godine, dostavlja Ministarstvu u originalu ili ovjerenoj kopiji slijedeću dokumentaciju:

- a) popunjen obrazac zahtjeva za novčanu podršku I,
- b) zapisnik o biljnoj proizvodnji (površina vinograda).

(4) Za klijente za čije se zahtjeve provjerom dokumentacije i obradom utvrdi da su blagovremeni, potpuni, osnovani i podneseni od ovlaštenog lica, sačinjava se obračun novčanih podrški na obračunskim tabelama.

(5) Ministar odobrava isplatu novčanih podrški na obračunskim tabelama koje se dostavljaju kantonalnom Ministarstvu finansija na isplatu.

9 b.

Proizvodnja smilja

(1) Pravo na novčanu podršku za Proizvodnju smilja ima klijent koji pored općih uslova propisanih članom 3. Uputstva ispunjava i slijedeće posebne uslove:

a) proizvodi smilje na minimalnoj površini od 0,2 ha. Podrška se može ostvariti za maksimalnu površinu 0,5 ha,

b) podnese prijavu za izlazak na teren I, nadležnoj službi za poslove poljoprivrede iz člana 4. Uputstva, najkasnije do 30.10.2017. godine,

c) upisan je u Registar poljoprivrednih gazdinstava (RPG) i Registar klijenata (RK) i parcela na kojoj je zasađeno smilje na popisu je parcela na kojima gazdinstvo ima prijavljene posjede u RPG-u.

(2) Nadležni službenici iz člana 4. Uputstva na osnovu podnesene prijave za izlazak na teren I, sačinjit će zapisnik o površini nasada smilja najkasnije do 20.11.2017. godine.

(3) Za ostvarenje prava na novčanu podršku klijent najkasnije do 24.11.2017. godine, dostavlja Ministarstvu u originalu ili ovjerenoj kopiji slijedeću dokumentaciju:

a) popunjen obrazac zahtjeva za novčanu potporu I,

b) zapisnik o biljnoj proizvodnji (površina nasada smilja).

(4) Za klijente za čije se zahtjeve provjerom dokumentacije i obradom utvrdi da su blagovremeni, potpuni, osnovani i podneseni od ovlaštenog lica, sačinjava se obračun novčanih podrški na obračunskim tabelama.

(5) Ministar odobrava isplatu novčanih podrški na obračunskim tabelama koje se dostavljaju kantonalnom Ministarstvu finansija na isplatu.

9 c.

Proizvodnja malina

(1) Pravo na novčanu podršku za Proizvodnju malina ima klijent koji pored općih uslova propisanih članom 3. Uputstva ispunjava i slijedeće posebne uslove:

a) proizvodi maline na minimalnoj površini od 0,2 ha. Podrška se može ostvariti za maksimalnu površinu 0,5 ha,

b) podnese prijavu za izlazak na teren I, nadležnoj službi za poslove poljoprivrede iz člana 4. Uputstva, najkasnije do 30.10.2017. godine,

c) upisan je u Registar poljoprivrednih gazdinstava (RPG) i Registar klijenata (RK) i parcela na kojoj su zasađene maline na popisu je parcela na kojima gazdinstvo ima prijavljene posjede u RPG-u.

(2) Nadležni službenici iz člana 4. ovog Uputstva na osnovu podnesene prijave za izlazak na teren I, sačinjit će zapisnik o površini nasada maline najkasnije do 20.11.2017. godine.

(3) Za ostvarenje prava na novčanu podršku klijent najkasnije do 24.11.2017. godine, dostavlja Ministarstvu u originalu ili ovjerenoj kopiji slijedeću dokumentaciju:

a) popunjen obrazac zahtjeva za novčanu podršku I,

b) zapisnik o biljnoj proizvodnji (površina nasada malina).